

مجموعۃ ابوالخیر

ماسوا شائبہ سندن دلی تطہیرہ چالش
بر تو حکمت و عرفان الہ شویہ آتش

ہر ماہ عربی ابتدا سیلہ اون بشتہ نشر اول نور فنون مجوعدہ سیدر .

جزو ۳۵ [فی غرہ جمادی الآخرہ سنہ ۱۳۰۰] نسخہ سی ۳۳ فروش

اولان صنفك ۴۰۰ دن ۶۰۰ زه قدر اولان مولودآنده بر، و صنف
اعالینك ۲۷۰۰ مولودنده برچو جق میت ظهور ایدر .
کافه صنوف ایچون سن وسطی ۳۵ ایله ۴۰ آره سی در ذئله .
پلیر سه ده بعض صنوفده وجه آتی اوزره تخلف ایلر :

عمر سنه

عمله واصناف عادیه . ۳۰

خواجه، آووقات، طیب ایله صنایع نفیسه اربابی ۵۵ : ۵۸
مأمورین عالییه، ضابطان عسکری و اورمان
مأمورلی و اشتغالات ذهنیه دن آزاده اولان

قرا اهلایی . ۶۰ : ۶۴

ذره قدر مشغولیت و قسوتلر اولیان قاتولیک

و پروتستان پاپاسلری . ۷۰ : ۸۰

بو پاپاسلردن یوزده اونی ۹۰ یاشنه واصل اولمقده در .

فقرات تاریخی

فرس مشنوم

روما ایمپراطورلردن تیبه رك محمیلرندن اولان سیلیوس سیانوس
بر آنه مالک ایدی که نوع فرسده بونک قدر مشنوم بر حیوان
کورولماشدر .

سیانوس بو حیوانی آلدقندن صکره مارق - آنطو آنک امریله
یونانستانده اعدام ایدلشدر . سیانوسک اعدامندن صکره آتی دولابلا
نامنده بر رومالی آلمش واوده سوریه ده ظهور ایدن براختلال داخلی
اٹانسنده قتل ایدلشدر .

بوندن صکره آت، قابوس قاسیوس نامذاته انتفال ایتمش اولمسندن
مومی الیهده حیوانک اوسننده ایکن اوقله تلف ایدلمشدر . بعده آتی
مارق آنطوان صاتون آلمشدی . مومی الیه دخی اوقتاو الیه ایتدیکی
محاربهده مغلوب اولمغله قهرندن کنیدیسنی کوله رینه تلف ایتدیرمشدر .
اک صکره قرس مشئوم نیکی دیئوس ناهنده برذات طرفندن اشترا
اولمغله برکون راکب اولدیغی حالد ماراثون نهرینی حین گذارنده
حیوانک آیاغی سورچکلک ایلکیمی برلکده نهرده غرق اولمشلردر .

اتوز بیک نفر دن عبارت بر روس اردوسسته قارشی معیتده
بالکز ایکی بیک کشی بولنان فرانسز جنزالی مشهور ماسه نایه یاورلی
-- افندم ! دشمن بزه یک یاقلاشدی -- دیمه لریله مشار الیه
« بز دشمنه یک یاقلاشدق دیلمیسکز ! » سوزله مقابله ایتشدر .

عزمنده کی ثباتی عناد دینه جک قدر شدید اولمسندن طولانی
عثمانیلر پهنده [تیمور باش] لقبیله مشهور اولان ایسوهج قرالی اون
ایکنجی شارل هنوز سن طفولیتده ایکن دائما اسکندریه تاریخی مطالعه
ایدرمش . سرای خلقدن بری برکون مشار الیه دن -- اسکندر حقنده
فکرکن نه در ؟ -- دیه سوال ایلد کده تیمور باش « آتک حقنده کی دکل
کندی حقنده کی فکرم آکا بکزه مکدر . » جوابی ویرمش ؛ و اوذات
-- لکن اسکندر اتوز ایکی سنه معمر اولمشدر -- دیدیکنده مشار الیه
« دولتری قح و تسخیر ایتد کدن صکره بوقدر عمر کافیدر . » --
کلامیله مقابله ایتشدر .